

秋
影
樓
詩
集

秋影樓詩集者余房師東山汪公所作也癸酉之秋公舉京兆與余同出德清徐先生廬陵彭先生之門後三年丁丑公成進士又三年庚辰以第一人及第而余以壞瀆失職連不得志于有司惟公于聚散之際執手款歡所以勞苦而慰勉之者甚真且摯迨壬午冬余被

召入內廷癸未三月倖舉于南宮實出公分校禮闈本房所薦既釋褐登堂脩敬公迎笑曰吾兩人平時契分何等今乃以此禮見耶余拜公答拜終不肯以師道自處仍以執友待之甫一月而余扈從赴口外公亦於是年八月奉太安人南歸明年

車駕渡江

特命公居家食俸校刻全唐詩丙戌七月書局未竣而公計

忽至余時適請假葬親遂急裝遄返取道虞山哭公于寢遺孤尚在乳抱太安人出此編見屬余受而藏之會還朝期迫匆匆未暇付梓及癸巳秋长假還鄉乃檢諸篋笥亟命楷書生繕寫仿宋本開雕距公下世已八年矣回思癸酉以後託同譜者十年在門牆者四年其間執弟子禮從容邸舍親承色笑者無過一月中之三數日耳此余於校閱之下不禁撫卷心傷淚流承睫者也刻既成敬識始末以板歸諸公子俾藏于家集凡九卷每卷篇什多寡或不同皆公所手定輒仍其舊欲使公子知先人手澤存焉耳若夫公詩之體格位置當在大曆以後長慶以前諸名家間慎行門下士也何敢輕爲倫擬則以俟天下後世讀其詩而論定之者海昌門生查慎行謹序

秋影樓詩集目錄

第一卷

圃田集 古今詩二十八首

第二卷

東郊集 古今詩十九首

第三卷

曼聲集 古今詩三十首

第四卷

雪泥集 古今詩十九首

第五卷

橫街集 古今詩三十一首

第六卷

秋帆集

古今詩九十五首

第七卷

春草集

古今詩二十八首

第八卷

釋耒集

古今詩三十六首

第九卷

邗江集

古今詩二十四首

秋影樓詩集卷第一

虞山汪繹 東山篁

圃田集

和劉文房雜詠八首

幽琴

拂石張素琴撫景時一弄松風落指間鏗然醒鶴夢庭空秋雨疎夜闌明月共萬籟寂無聞虛室想羣動

晚桃

灼灼小桃花開遲良可惜不惜花開遲惜此好顏色點注爲誰紅東君素相識但得及春風後時開亦得

疲馬

老驥伏槽櫪萬里空前期一蹶不復用不如鴛駘肥日暮烏

爲啄平野兒童欺壯士行見之歎息還自悲

春鏡

洞房閉春晝美人午睡起開鏡理殘妝春花照春水獨坐斂
雙眉相對無言裏只恐卷簾風偏妒穠桃李

古劍

塵土閼神物拂拭吐光鐔虛堂風雨聲夜夜牀頭作藏處青
蛇蟠飛時雪花落分手贈知己寸心許相託

白鷺

煙波渺無際離披鷺獨立秋水夕陽明顧影殊自得延頸荻
花叢雪深何處覓撲漉忽高飛點破空江碧

舊井

廢苑沒蒿萊中有千尺井苔痕點石闌梧桐散秋影妾心似

驅轡君情如斷綆誰謂井波深不比秋宵永

寒缸

空堂夜正長孤燈半明滅心隨膏火煎愁共燈花結
還落愁心幾時絕抱影背燈眠重衾冷於鐵

秋柳次韻

短長亭畔暗銷魂無復絲絲綠映門一陣冷風餘倦態滿梢
清露尚啼痕蕭蕭去馬斜陽路點點歸鴉落葉村獨立寒潭
倍惆悵婆娑生意不堪論

其二

歌殘金縷不勝衣吳苑隋堤事已非吹笛樓寒風漸瀝畫眉
人遠夢依稀曉星池上殘蟬咽暮雨江干獨鴈飛剩有青青
幾枝在柔情終與雪霜違

花谿詩

寂寞閒房挂舞衣
白花如雪打朱扉
從今斫却垂楊柳
怕見漫天撲地飛

其二

名花飄落已隨風
却遣金鈴護別叢
架上雪衣應有語
只今端合與開籠

獨步尋花

淺白深紅總陌塵
尋花不奈值殘春
獨行無味欲歸去
多事提壺又喚人

江鄉新夏

六言

學舞燕梢花片引
雛鳬動波紋
何處釣船歸去
滄浪唱斷斜曛

其二

處處黃連麥隴家家綠暗桑園正是浴蠶天氣北舍南鄰閉門

無題五首和王谿生韻

身輕一葉類孤舟惆悵紅顏命不猶別淚忍看花黯淡斷魂
愁被夢勾留綺牕風月難爲夜紉扇恩情易入秋待得能言
鸚鵡睡細將心曲話從頭

其二

曾向巫峰覓舊蹤暮雲飄斷夕陽鐘書從紫燕傳時密夢自
黃鶯喚處濃不盡春愁隨柳絮無情秋雨洗芙蓉分明隔斷
仙凡路浪說千重與萬重

其三

十二珠簾蕩曉風。旋移日景過牆東。分明天上無人到，不道花間有路通。袖拂綠雲鬟影亂，臂留圓玉釧痕紅。金閨門外天涯路，愁思茫茫逐斷蓬。

其四

酒後喧譁笑語來。歡聲一握殷輕雷。穿花捉蝶迷藏散，倚樹分釵鬪草迴。已分白頭空自詠，枉教紅粉解憐才。爐香未死釭花在，莫把心期付冷灰。

其五

往事前期欲話難。名花無奈易摧殘。鸞膠不續愁腸斷，精衛能填淚海乾。繡被香銷支夜永，空房膽小怯春寒。可憐懷袖三年字，依舊開函獨自看。

客店聽雨

如酥小雨潤中庭旋覺淙淙響瓦楞又是梨花起頭夜薄寒
殘醉客牕聽

路旁梅和蔣西谷

道旁誰植老梅根雪壓風飄惱玉魂閑客經過須著眼
原是一空村

其二

新愁舊恨逐花晨不傍疎籬自出塵柳未成絲桃未褪平分
顚顚與何人

阻灘

灘聲動地狂風號牙角森聳鋒如刀我聞長灘三百六尾灘
十里尤稱豪奔流倒峽勢斗絕撐篙授柁徒爾勞長年赤脚
水中立那許一聲齊著力下流容易上流難進不盈寸退已

尺眼看揚帆得意人手足拳攣空歎息我語篙工爾勿悲人生利鈍各有期一朝風水兩快意回船也有下灘時

金閨惜別

戎樓悲角寺樓鐘牕外涼蟾枕畔蟲此際有人消受得殘缸
秋影小房櫳

其二

直爲情多可自由柔腸易斷是蘇州臨風莫唱韋娘曲顚顚
蕭郎怕值秋

其三

琉璃匣掩鏡中春正是吳娘病起晨雨點遠山描未得綠牕
憐煞掃眉人

題邵青門小照

碧桃花下記曾遊鳳瑟鸞笙一段愁浪說紫皇歌舞院大都
風景似揚州

秋影樓詩集卷第一

秋影樓詩集卷第二

東郊集

虞山汪繹東山集

春雨

靄霖連朝雨朦朧二月春紅添桃頰重綠染柳絲勾苔膩初
黏屐簾虛欲著人占巢鳩羽溼補壘燕泥新池漲通泉脈天
低漫麴塵西疇將有事舉趾稱初晴

柳枝詞

碧草含煙水皺波剪刀風急柳絲多無端裁出官眉樣破費
金閨幾斛螺

其二

一種風流得自持水村天與好腰支月殘風曉無窮意說與
桃花總不知

其三

古歌舊曲滿蘇臺
翻得新詞水調哀
誰向錢唐喚蘇小
教他卷葉細吹來

其四

滿堤花霧溼萋迷
萬縷黃金一色齊
是處樓臺煙雨裏
流鶯知坐那枝啼

和龔叔度

梅花落盡柳絲輕
青草如鋪一徑平
紫燕黃鸝都不語
屋頭惟有鶉鳩聲

新草

原上離離草春來一雨生
寸心燒不死萬里碧無情
油壁輕輕度花驄款款行
六朝佳麗地愁煞夕陽明

新竹

春雷起林麓筍長何離離攢迸滿苔徑抱護籜龍兒已解黃
金苞漸抽碧玉枝粉香含新意汗青託後期

賦得水中桃花

鏡中疑笑復疑愁紅玉團團暖欲浮借取微之詩一句水精
簾下看梳頭

郊園雜興

沿溪一帶好風光吹得家家社酒香梅子酸時蠶豆熟桑芽
吐後菜花黃

其二

花自無言鳥自呼風光如畫却難圖郭熙橫列春山影獨閒
倪迂樹一株

樹前一株
樹一株

其三

蝶舞鶯啼落日餘，滿牀橫藉讀殘書。
閑牕午睡惱啄木，去喚鄰翁看打魚。

其四

熟梅時節綠陰肥，樹樹嫣紅漸漸稀。
春色滿園何處去，水邊開徧野薔薇。

其五

夾岸人家罨畫橋，波紋澹沲漲痕消。
閒行無地堪容足，豆大蝦蟆滿陌跳。

其六

萬頃黃雲落照殘，麥秋時候尚輕寒。
田家也有閒歌吹，滿耳蛙聲不屬官。

其七

垂楊無雨亦蕭蕭
婀娜尤憐近水條
怪底春風太無賴
一枝吹折小蠻腰

其八

桔槔聲裏水潺潺
一舸夷猶入暮煙
三日不曾窺小圃
殘紅遮地綠漫天

春雪十二韻

春寒餘料峭
春雪更悠揚
帶雨消何易
因風勢忽狂
黏窓輕似絮
點瓦重於霜
暫阻遊山騎
能驅入地蝗
飄零新牒粉
潤色老梅粧
有意侵書幌
無聲落畫堂
禁他芳草綠
減却柳條黃
高樹難尋鶴
平坡不辨羊
屋喧飢鳥雀
冰坼小池塘
度水微微怯
穿林故故忙
頓成花世界
欲變冷心腸
二月瞢騰過

東君要主張

悼亡

簾幙輕寒欲暮天
藕絲衫袖擁沉煙
熏爐依舊妝臺畔
灰冷香銷已十年

秋影樓詩 卷第二

秋影樓詩集卷第三

曼聲集

虞山 汪 繹 東山纂

夜行

扁舟獨行處暝色已茫茫古驛徑秋廢空江入夜涼
嚙沙篙力淺拍岸浪聲強別浦漁歌起鄉音又一方

苒城舟中雜題六首

干山

神物出來不可私風雷夜夜起深池
蠲鏤已淬鴟夸血鑄得干將更賜誰

秦望山

十丈樓船去不回秦皇當日此登臺
蓬萊東望無多路可有仙人泛海來

春申浦

黃浦洪濤向海奔浪花噴處湧江豚不知珠履三千客當日
何人慕李園

盧志

平原點望振江東何似春霆破曉驚長柄葫蘆長幾許却嗤
鬼子閉門風

陶宗儀

天地烽塵戰血紅南村猶有荷鋤翁可知文獻歸田老上下
千年一甕中

楊維禎

翩翩鶴氅似神仙樂府新詞付小鬟獨坐月明吹鐵笛秋聲
一夜滿人間

題張石樓畫

張郎筆底有春風，幻出深叢與淺叢。
逸氣橫飛香色外，墨痕淡入有無中。
誰供俗眼求形似，直以靈機奪化工。
近代畫家誰比得，尚嫌蒼莽石田翁。

歸舟

出沒菰蘆萬頃中，歸帆又值雨濛濛。
怒濤一任如山大，斷岸緣知有路通。
三里未開元女霧，滿船空載大王風。
粉牋塗徧如鴉字，消得孤篷渴睡功。

待潮疊前韻

濁流不盡淺沙中，雲暗江城雨氣濛。
浮梗何心論去住，崇朝亦自異窮通。
慳將一尺行舟水，負却漫天送客風。
好似巨魚秋涸後，揚鬐鼓鬣總無功。

早發黃浦大風三疊前韻

片帆高挂曉煙中似箭輕舠破晦濛駭水掀騰將地轉靈潮
吐納與天通險同楊子津頭路快比滕王閣下風手把一編
江海賦決排想見古人功

首夏同青門雪航以寧允恭叔度讌集秋水閣即事
限韻

憑高風物欲凌秋門外平湖碧似油暝色已歸鴉背外斜陽
猶戀柳梢頭疎疎遠岫屏間画點點輕帆鏡裏鷗不盡蕭條
東澗水至今嗚咽爲誰流

讀青門詩集書卷後

我讀邵子詩宕逸出傲兀其麤大于身其細不容髮韶潤春
山雲高朗秋天月肺腑流性靈脫落到肉骨香山一瓣香風

流旋已歇毀譽徒紛紛寸心獨超越深藏勿示人示人空咄咄

龔叔度三十初度

殘燈夜雨對牀眠話到無聊每共憐如許頭顱君莫歎明年吾亦是君年

其二

朱門歌舞好春時自有新詩付雪兒贏得綠珠江上女滿頭
花草唱君詞

叔度往游粵西所製竹枝詞寧峒婦女咸歌之

元對齋賞荷有懷西谷即席成長句一首用西谷壁

間舊韻

淺碧輕紅已隔塵亭亭猶是鏡中身依然竹裏開三徑祇是尊前少一人懷友心情隨夢斷看花眼界逐回新明年蹤跡

知何處薊北江南兩地春

壽蔡天涯五十

蔡君雅志耽林泉芒屨踏遍虞山巔朝煙暮雲恣領取澗花
野鳥相流連傲骨峻嶒怪石聳逸情淡蕩春山妍地偏心遠
有真趣尻高首下殊可憐冷竈三日炊無煙空囊花下無一
錢交游斷絕兒女餓此君兀兀方醉眠雨淋風卷茆屋破孤
弦落手心悠然吳天越嶠幾千里故園回首歸無緣炎鄉五
月荔支熟老饕饒口空流涎無聊寫入圖畫裏色香染指爭
新鮮平生無事繫懷抱唯有此物神魂牽天涯近寫荔支數疑
十幅偏贈相知者疑
君當是飲中仙疑君能參画裏禪行藏迂癖世多怪我獨愛
君便且媚君今五十正初度操卮挈榼開長筵微颺却暑樹
梢連陰翠幄鳴涼蟬堆盤瓜果滿甕酒恰值銀漢橫中天

不爲君進瑤池頌不爲君誦南山篇但得酒樹長不死但得
酒旗長夜懸更願東西兩湖皆變酒任君長歌狂飲不計年
重來

題竹石小照

背郭依山一徑幽萬竿修竹俯寒流秋風春雨關心處著箇
閒人已白頭

將北上不果

潭塘紫蟹如盤大吾谷丹楓似錦新我亦無心論去住故山
秋色要留人

齊門舟中送叔度之懷集幕

聚久不知樂臨岐始覺悲無言燈燼後相對酒寒時春雪他
年夢東園與叔度
同作春雪詩秋風此夜詩孤舟待明發愁看鬢成絲

其二

嗟爾遠行役炎方氣候新衣裳隨日換花柳不時春五字字
愁句三年道路塵能禁別時淚未別已沾巾

其三

不寐聽城柝蒲帆冒曉開五更人乍去一雨鴈初哀山色過
江好濤聲到嶺回前途有知己壯志漫成灰

梅花樓訪月溪上人

撼屋西風起白蘋紙牕木榻靜無塵斜陽影裡看歸鳥落葉
聲中著病身丈室只容清淨侶禪門今見讀書人慚余又作
長安客夢斷山塘二月春

虎丘訪吳覺覺酒間出董文敏真蹟見示因成長句

一首

海湧峰前舊游地蹤跡不到秋復春眼前歷歷皆可數春花
秋月徒悲辛空林落葉聲戰雨寒山偃蹇如愁人中有秋士
悲秋者延陵公子老且貧吳根越角歸不得青天湛湛烏紗
巾嗜奇好古欲成癖商彝周鼎縱橫陳手持文敏字一卷錦
囊玉軸輝瑤珉燈前展視不盈幅皎如皓鶴凌蒼旻一波一
折有天趣筆墨之外皆精神世人規撫得萬一其中雅俗毫
釐分願君什襲勿輕出俗眼那識麝與真燈花落案風打門
主人未醉客已醺疎星熠熠山路黑船頭分手波汙汙

舟中作

曉發閶門道夷猶百里程船頭雙塔小檣後一山橫樹樹著

霜色村村打稻聲到家消息近斜日下高城

秋山

一桁青山卧對中悠然籬下見秋容衰紅亂點林間草冷翠
平欺澗底松排闥送將朝爽氣携筇閒數夕陽峰無人會得
蕭疎意茆屋書聲夜半鐘

秋風

颯颯空庭淡落暉秋風先到旅人衣卷將茆屋三重去趣得
江東一櫂歸眯眼黃塵隨地起打牕敗葉滿牀飛綠陰門巷
知誰是獨向寒山靜掩扉

秋雨

滴瀝空階不肯晴積陰天氣暗還明徑荒衰草渾無色池靜
枯荷忽有聲孤枕寒燈殘夢斷荒江獨客一舟行年年聽雨

尋常事莫向秋來百感生

過天目上人不動軒留別

西風瑟瑟響檐牙竹院深沈小徑斜不盡蕭條將敗葉無多
穠豔入秋花少年學道元非易晚歲離群更可嗟他日相依
禪榻畔幅巾重喫趙州茶

秋影樓詩集卷第三

秋影樓詩集卷第四

雪泥集

虞山汪繹 東山纂

別內

無情今夜雨點點欲愁人兩載一離別十年多苦辛笑啼憐
弱女甘旨慰慈親無限臨行意挑燈話向晨

留別諸同學

雨暗河橋鏢暮煙衝寒重上孝廉船明知蛇足寧須画却笑
豚蹄欲望年匣底蛟龍餘劍氣袖中羔鴈有詩篇天台原是
人間世隔斷塵寰路幾千

過京口

漠漠江天欲雪時旅懷欲共凍雲癡此中大有名流在丁卯
橋邊莫賦詩

避風館

曲闌飛閣枕江隈
眼看驚濤去復回
若是風波還避得
人人都向此中來

東同年顧書宣編修

才子聲華徹九天
草堂還著玉堂仙
仙情高張翰投閑日
病過相如作賦年
時書宣養病僧舍
秋寺竹深調鶴徑
春江波穩釣魚船
宣
有春江草堂
功名只恐催人起
容易藤牀聽雨眠

月夜

月色冷空村
鐘聲度遙寺
道上寂無人
門前暮山紫

峒嵒山喜遇查悔餘同年

三年魂夢託相思
今日相逢下馬時
拂拭征衣衣上雪
孤燈小店夜論詩

聞座主廬陵彭公凶問旅中爲位而哭成詩一章

目斷西江恨渺茫招魂何處奠椒漿淒涼知己千秋淚鄭重
師恩一瓣香宋玉定能哀屈子東坡方可敘歐陽

謂悔餘

玉樓

只在青天上不比崖州去路長

沂州弔王玉珍

燕山一別夢悠悠貧病侵尋易白頭三復故人持贈句酸風
吹淚過沂州

癸酉秋王玉珍贈詩云登科吾輩尋常事難得高堂慰老親

夢翁湘南

襲襲村鼓已過三野店荒寒我自諳殘醉欲醒衾似鐵一燈
風雪夢湘南

望雪中諸山

紆迴石磴路迢迢百疊寒雲鏤碧霄漫說雪山難耐久春晴

十日未曾消

望岱

矯首原從萬仞論千年漢時上公尊崢嶸直上疑無路呼吸
通天尚有門獨立巖巖真氣象滿前衮衮盡兒孫閒雲莫戀
山頭住四海蒼生正望恩

霧

似煙還冥漠如雨未分明著面微添潤連山肯放晴馬從雲
外度人向夢中行莫倚漫天勢朝陽海上生

泰安州曉發

霜天曙色漏疎林嵐氣沉沉容易侵怪底日輪飛不起朝來
已度泰山陰

聞鐘懷雪澗和上

客枕睡正酣鐘聲喚人起星稀北斗低碧天淨如水僕夫趣晨裝騾鐸鳴不已朝光尚熹微人在霜風裏此夜聽鐘情何如破山寺

己卯除夕次悔餘同年韻

紅幡綵勝逐時新柏子香生土室春雪後原田皆種玉風前蠟炬欲銷銀友朋共喫殘年飯僮僕偕爲守歲人寥落自甘應不恨倚閭惟念白頭親

庚辰元旦

條風拂拂曙光浮珠斗光凝宿霧收此日蹉跎猶遠道吾生三十已平頭尊前柏葉荒村酒夢裏梅花故國秋屈指離家剛一月尚餘千里是皇州

憶玉山

薄薄羅衣翦翦風
玉山深處綠波通
白鷗何事輕相戲
一瓣紅蓮落鏡中

其二

石榴花下相逢日
亞字欄前欲去時
記取綠楊能繫馬
紅橋西畔最低枝

秋影樓詩集卷第四

秋影樓詩集卷第五

橫街集

虞山汪繹 東山篁

秋砧 館課

萬戶涼颺動疎砧特地哀杵隨涼葉下響帶早鴻來長信秋
偏早漁陽獵未回無衣應不少刀尺漫相催

結夏 館課

景運方休明詞垣最清暇屬當朱明節披襟北牕下輪蹄厭
徵逐端居絕迎迓西山送遙青天然成醞藉日華服清朝露
蕊吸涼夜潛魚池上釣鬪鴨闌邊射興至或據梧狂來欲舞
蕉細草隱朱簾幽花蔽一架汲水灌香泥枝柯互低亞曉夢
侍螭頭薰風拂黃帕摘詞賦小詩易如餅水瀉

天顏微送喜碧醕錫盈罍醒來帶微醺涼蔭滿桑柘讀書酬

主知即此是結夏客如襜襜來長鬚爲我謝

送座主桐城相國致政還山

清時上宰桐城公從容論道扶鴻濛一朝疏請歸田里
詔書夕下明光宮矐留黃髮知

天意得請回

天詎容易行辭西掖返東山便擬衝寒僦車騎再拜陳言向
玉墀還邀

溫語恤臣私急裝教避寒冰候返櫂宜更獻歲期東朝恩
禮尤無匹緩轡停鞭動顏色爭看鶴禁小車來坐列金盤
大官食先年

賜第拱

宸居花底朝回比直廬阿閣定教栖紫鳳依然清禁接瓊瑤

公歸二月江南道芙蓉園開百花早廿年丹地積憂勞一見
家山如舊好昇平四海躋昌期洛社招尋醉酒卮彈琴罷作
思歸操把筆還吟遲客詩家門真樂古稀有對案看花同白
首鳩車弱戲儘雍容鳳閣英聲先孝友謁來祖帳西城闔道
旁觀者闐朱輪鴻飛遵渚天邊思何況門前立雪人

送家愚谷典試粵東

尅日星輶大道邊驪駒歌罷悵離筵一年以長從吾老四韻
先成覺汝賢夾路槐花隨去馬到江楓葉照歸船幽尋莫泥
羅浮夢芳信應憑驛使傳

愚谷將以撤棘後游
羅浮故末語及之

月夜聚奎堂三絕句呈總裁同考諸先生

桃李隨風歎寂寥嶧陽石上有孤標不知桐尾留多少待遇
中郎已半焦

其二

敢謂披沙便得金幽蘭空谷香難尋三更獨自卷簾坐皓月
青天識此心

其三

芙蓉闕下賜衣鮮慚愧天街早著鞭敢倚平生麤氣味悞他
燈火又三年

和傅濟菴侍御草橋秋獵

匹馬西風朔氣哀角弓一石手親開山中狐兔紛無數學射
還應射虎來

雨中遣悶柬無亢無已

積陰天氣溼雲遮煙樹平添一道斜簾幙寒輕初乳燕坳塘
草淺亦鳴蛙冷官閉戶長宜睡新水連缸好試茶莫訝禁城

春已暮隔牆還放兩三花

思歸疊前韻奉答家東川先生

茆屋三間老樹遮
薜蘿陰裏繞溪斜
綠楊城郭時聞鳥
青草湖田好聽蛙
名士自來須痛飲
山僧相過但評茶
平生志願無多在
十畝琅玕萬樹花

題月色促歸人圖

晚涼風露欲沾衣
獨客鄉心對夕暉
我亦有情難画出
堂堂白日苦思歸

題王慢亭坐月小照

月出羣動息
山影墮空翠
高人愛清夜
掀顙有遐寄
獨坐誰與言
山童抱琴至

題王道全明府竹溪讀易圖

政簡畫多閒暫止雙鳬舄草綠澗花紅溪陰散瑶席開卷竹
風涼琅琅讀周易

恭和

聖製麥秋志喜

二麥登場報瑞年熏風長養自天全雨過綠野消炎燠馬踏

黃雲度陌阡羅帕分甘頒禁苑

宋大內當麥熟時作舞以黃羅帕封賜百官

寒光吹影

上花牋

寒光無名

君王所過關民瘼紀述無才愧八軀

送西谷扈

駕避暑口外

涼風隨輦轉彫輪帳殿深巖不動塵正是金蓮花放日好臨

粉本寄歸人

時余將請假

其二

龍旂鳳蓋照初暎珍重臨岐更一言躍馬射生君未慣只憑翰墨報

君恩

過虞山司寇舊邸次劉大山同年韻

十年如轉燭俯仰總虛名客散清歌歇庭荒秋草生空餘黃菊淚

已卯十月公餞予菊
花下遂成長別矣

不盡白楊情望斷西州路誰堪向此行

請假將出都六首

頻年騎馬踏京塵一夜涼颼起白蘋偶賦閒居因奉母乍言辭祿似欺人關心歲月騰騰去借眼風光得得新正是長安秋雨霽潞河新漲碧粼粼

其二

國門立馬意踟躕敢說投閒賦遂初兩世尚虛窳地一椽
未卜水雲居子祖子曾祖兩世俱未葬生衣嬾接暄寒客敝帚愁供咫尺書
翻笑坡公江水句無田不去又何如

其三

板輿花下去逶遲騎省歸來鬢有絲行樂正須年少日乞身
難得太平時

天書日射青鸞紙

御墨光騰彩鳳姿更有

賜衣香未散閒從田父話恩私

其四

帝京樂事不勝書來往都亭六載餘火逼地爐聊自煖紙黏
牕戶却中虛滿街紅藥春無數出土黃芽肉不如何必高車

兼快馬一門三里穩騎驪

其五

萍蓬蹤跡感吾徒三載槐廳出入俱王後駱前多自愧殷兄
張丈亦相呼驚鴻半逐秋雲散病馬難隨曉仗趨天上故人
能念我好傳書札到菰蘆

此首留別
諸同年

其六

仙游曾上蕊珠宮看遍花源錦繡叢蝴蝶有時來夢裏螳螂
無意入絃中雨聲向夜驅殘暑露氣驚秋急亂蟲酌酒江神
更何事放船只借一帆風

題無已秋林讀書圖

秋樹日搖落秋風滿林野吾家有秋士獨坐意瀟灑不知讀
何書一卷終日把方作賞春人詎是悲秋者

病中張研齋惠人獲賦謝

當暑病忽作支離綴餘息氣短怯語言良夜損眠食不盡一

寸丹徒飲一斗墨

古方飲墨汁可止血殊未然也

橫流貫雙鼻微聲發左肋

吐血

後左肋間如蟬吟

形神交相敵水火督厥職瘦馬暮烏啄枯楊秋蠹蝕

消中我自知隔膜醫頗惑大敵據上游守備須全力江河失

故道修築善通塞故人不我棄枉札數相憶貽我人銜芝

本草

人獲一枝含玉色黃金亦時有厚意良難得瓦爐文火煎一

名人街杯飽君德會當病骨輕翛然北牕北

張鞠菴行人餉予鮮荔支四枚賦謝四絕句

病榻茶煙裊鬚絲相如消渴藥難治一簾秋雨芭蕉下試擘
輕紅啖荔支

其二

五月南天霧雨滋，冰蠶一簇影離離。
北來風味猶如此，想見楓亭樹下時。

其三

分甘猶記老尚書，得酒香肌玉不如。
日落雲生人散後，重嘗已是十年餘。

壬申夏大司寇翁公曾以酒漬鮮荔交見貽回首已十二年矣

修其四

玉潤冰寒透骨清，楊梅盧橘敢相爭。
上林多少名花果，偏讓珍奇是側生。

題漁洋先生小像二首

荷鉏圖

春山欲雨雲模糊，水田漠漠聞提壺。
炊煙不辨遠村樹，江聲歷亂新菰蒲。
竹籬茆屋定何處，天地一碧歸平蕪。
行歌荷鉏

何爲者風骨宛是神仙徒漁洋詩老魯國叟際遇迴與尋常
殊稽古之榮世誰比身雖廊廟心江湖黃扉紫閣宰相事綠
簑青箬漁樵圖人生何必盡田野金章白髮多相須淵明作
令八十日已苦束帶迎人趨樂天七十方致政詩中往往稱
達夫但今胸次具高趣興會所到皆清娛有田可耕書可讀
宵來歸夢隨鷗鳬長安意味總如此我亦揚帆東入吳

歸南

時子請假

放鷗圖

四山風露月黃昏愛看秋空雪羽翻不似冥鴻便輕去遲迴
應戀主人恩

秋影樓詩集卷第六

秋帆集

虞山汪 繹 東山篲

奉太安人南還

三載承明廬尺寸事無補矢口拙言詞臨文輒莽鹵自顧麋
鹿性無端被簪組一朝請急歸清夢逐柔檣豈無戀關心有
母念鄉土

賣驢

安穩垂鞭向玉京蹇驢騎處綠莎平午餘南陌尋春路曉起
東華踏月行避道有時逢怒馬前驅無分引傾城今朝一別
貧家去從此青芻飽一生

八月二十日早發候廣渠門下

長安云美何如桑與梓得請治歸裝家人顏色喜雞鳴戒

徒御望望潞河涘輕軒行逶遲重門扃未啓耿耿太白低落
月淡秋水漸看車馬動啞啞城鴉起一出春明門放曠從茲
始

肩輿行三十里小憩田家

旭日上林木曉風吹衣裳出郭不數里遂覺塵土香雞犬悉
閒散禾黍皆登場村落各近遠老幼相扶將秋草間紅蓼殘
蟬鳴疎楊何必市朝遠已落江湖鄉坐對溪水綠令我心神
涼

登舟

旋洗塵容問綠波秋風久已笑蹉跎城邊無數帆檣影下水
船稀上水多

廿二日放船

西山鬢影墮青螺回首煙雲瞥眼過薄宦何當三歲久歸裝
只覺一船多風來蘋岸飄黃葉水落魚梁長綠莎伐鼓聞闐
衝曉去順流直到故山阿

望西山

金堂玉室神仙鄉蓬萊弱水葦可杭西山歷歷當戶牖相去
不啻萬里強此來役役成底事跼蹐塵土棲寒蠶病榻經時
失冠帶閒官例免趨朝堂人生能著幾緡屐坐失好景心彷徨
山靈有知應見笑笑我歸興何匆忙三年出處各有意肝
腸久已冰雪光江南自是山水窟步步皆作春風香青鞵布
韉未爲晚尋山日月今方長

度天津關津吏向余乞書

鐵鎖橫空第一程船頭欲與海潮爭閒牕多暇宜書字小吏

何知亦啖名印雪何妨有鴻爪過關直可當雞鳴冰銜漫道
全無用秃筆猶看紫氣生

佛茹再放詩以賦之

戴花真好事珍重上歸航新水時沾灑疎簾好護防也知蒙
愛惜特地吐芬芳種豈分西土人看儼道裝青疑霞作帶白
似雪爲房靜覺多餘態清留不盡香玉簪殊瑣碎茉莉太猖
狂塵土原無分淒涼自不妨最宜雲黯淡好伴月昏黃瘦角
微微露孤莖故故長高寒避炎熱皎潔有文章到日東籬下
殷勤酌一觴

聞歌

語細不成調夢回聞曼聲蒼涼出塞曲宛轉去鄉情蟲苦剛
秋半衾寒覺四更可知風露下容易客愁生

晚望

秋空望無極，羨爾雁高鶩。日薄波光亂，天低海氣昏。村雞都上屋，野寺不開門。故國關河渺，天涯念弟昆。

聞冠卿兄惠書未愈尚未得信

睡起

夢醒日亦午，牕明風滿紗。并拋書卷坐，靜對篆煙斜。蟻蠓飛前浦，兒童戲淺沙。睡餘滋味好，閒啜紫霞茶。

家扶屢寄余紫霞茶黃山所產也

示胡晦本

秋風正值稻梁肥，兩岸蘆花照客衣。長得白魚兼紫蟹，何論丹陛與黃扉。宦情欲共枯螢冷，歸興還同健鶻飛。同學弟兄都好在，十年懷抱肯相違。

午飯

水鄉風物最鮮新，兀兀長爲飽食人。入饌定知非赤尾，當餐

或恐是勞薪菜根有味堪終老菽水無憂雅稱貧好待晚潮
魚市過擣殘薑桂莫嫌辛

滄州爲高達夫故里

生計不歸南畝田

達夫句

詩篇清絕到今傳拋官我亦尋詩去還

早先生二十年

達夫年五十始學爲詩

經滄州城下有懷戴敷在同年

時敷在作閩游

北客南來眼欲狂新裁宮錦重熏香晚涼若向楓亭醉莫泥
王家十八娘

其二

一枝寒玉出塵埃到日爭傳衛玠來寄語閩人休看殺太平
天子愛仙才

秋懷八首

泛宅浮家任所如閒來一枕夢蘧蘧偶尋村店去沽酒時有
小船來賣魚手健未妨臨細字眼昏猶解把殘書時惠目昏到家
已過黃花節還及楓林落照餘

其二

旅泊愁人怯蚤寒料量歸計漫尋歡春秋佳日停雲榭花柳
清陰護鴨闌丈室維摩微示病角巾陶令強名官尚湖儘有
閒田地只乞漁灣十畝寬

其三

砧杵無聲結暝陰何堪作客更秋深荒荒古道炊煙斷漠漠
癡雲雪意侵敢以麤疎操史筆聊將潔白慰親心秋江景色
誰能寫重向琴張譜舊琴秋江一曲庭仙所授也久忘之矣

其四

不見家山近四年水牕風物較清妍寒宵得酒微微熱倦眼
看花薄薄煙成佛已甘靈運後思歸肯讓季鷹先黃金相印
尋常事不博城南二頃田

其五

良朋惜別共依依笑我迂疎羨我歸蹠蹠不騎天廐馬蹠蹠
長著老萊衣飯山面目因何瘦昭略清狂自勝肥聞道故鄉
歌樂歲杓然一飽掩柴扉

其六

莫令猿鶴笑人頑擬向田園學閉關三業漸消塵劫外九疑
長在酒杯間道旁苦李隨時落海上浮鷗盡日閒兩鬢星星
緣底事年來未必盡詩斑

其七

窮秋天氣晝陰陰直爲情多愴不禁詩到凶年無好語山東民之狀
最路聞嬌鳥似鄉音鏡湖欲乞知章例黃髮難忘子建心邵
更青門張顛庭無恙在相期把酒話燈深

其八

霜郊九月已輕冰滿眼家山計日登牽犬臂鷹應未慣燎毛
燔肉我猶能少年場裏悲秋客供奉班中退院僧官事斷無
終了日莫將身世比聾丞

仲兄寄素冊命繹作字三年矣都門忽忽未暇也歸
舟無事偶憶前諾率爾書之

長安塵土飛九衢唯有筆墨無時無長纁大幅動盈束扣門
剥啄如追逋焚膏繼晷苦不足手腕欲脫須人扶吾仲胡爲
亦見督愛忘其醜寧非迂對牀風雨良可念三年光景真斯

須金門玉堂解嘲耳心旌一夜飄江湖歸來長物復何有藥
爐酒琰同妻孥船牕多暇秋日永閒把卷軸成清娛繙帖難
忘見獵喜學步願免隨人趨每嗟意到手不尔更覺貌腴神
則枯支離直欲墨豬比迅疾敢與風檣俱活龍死蚓大有別
家雞野鶩夫何殊書罷斂袖忽自失西風獵獵吹黃蘆落帆
今夜定何處叫羣鴻鴈聲相呼

聞鴈

一片寒蘆萬里情扁舟多趁夕陽明行人已是還鄉客不怕
空江有鴈聲

夜行

暮氣篙師倦舟行野色昏雲輕吹易散月早落無痕獨犬吠
遙岸孤燈閃破村羈遲吾不恨得去是

君恩

飢鼠行

江昏燭暗倦雙目歸櫂平生睡初足蓬牕酒醒一欠伸何物
成羣擾幽獨初來尚作聲窸窣忽過俄聞走輾轉拖腸豈願
唐房仙憑人似學季主卜鼠白者憑人而卜名曰仲慣行頭面騁趨捷屢入餅
罌被翻覆有禮時能作人立無牙偏欲穿我屋貧家升斗亦
幾何傾箱未必滿汝腹近聞水旱疊見告眼看白粲成黃玉
不知汝飢人更飢傳說山東食人肉樹皮草實旋喫盡行將
出地及汝族我

君明聖心焦勞東海雲帆轉萬斛鼠子曷不銜尾去樂郊同飽
天庾粟晝眠夜食長子孫何用區區竊微祿

逆流值大風

急湍正奔駛一葉爭莫過時作青銅光觸手鏡面破盤渦雖
受篙旋復被掀簸險如魚上竿鈍若蟻緣磨方愁水勢逆況
值風力六人坐天地間孰者可程課歸心一以急坐此招困
垓逝將百不營高枕付慵惰

夜雨

夜雨滴篷背風動客心祇因添浪急誰與惜泥深寺遠沉
鐘鼓江寒戀枕衾東籬花正好載酒夢中尋

九月五日雨中懷研齋

青雲何似白雲閑細雨廉纖睡夢間料得此時張內翰獨騎
羸馬趁朝還

使風

水聲過耳響淙淙曲曲長堤去若空細數人生得意事一船

紅日滿帆風

重陽

百年消得幾重陽
強半蹉跎在異鄉
昨歲登高還記否
怡園

臺閣倚蒼蒼

去歲怡園登高

九日阻風戈尚書墓下

明南京刑部尚書戈璉字良玉

岐路何人送一麾
白楊樹下泊船時
可憐破帽悲秋客
獨立西風讀斷碑

食柿戲作

火傘中含火齊珠
慈恩寺裏久荒蕪
他年春芋園成後
好種烏桺一萬株

潘岳賦梁侯烏桺之柿

舟中雜書十首

昨日言歸去
今番始是歸
綠楊移画舫
紅日照黃旗
飯熟思

新米

不食新米四年矣

霜寒理故衣腐餘何足夢好夢舊漁磯

其二

昔游曾此地風景是耶非杞菊垂垂盡鳬鷺拍拍飛
柴荒知水潦慶貴覺年飢旋入青齊道孤煙散夕暉

其三

一勺已云醉吾將號醉翁沾脣春盞盞入腦響蓬蓬

見蘇詩不

飲真天限

館師甚盛先生嘗語人曰東山不能飲酒蓋天之所以限之也

多言亦數窮幸無多酌我

世事醉醒中

其四

久客厭行役家山入夢頻詩書皆捷徑盜賊本良民
人海藏身易蜂窠入世新弓刀吾不用留醉濁醪春

時多盜警

其五

夜色蒼然淨荒寒絕四鄰半帆風送客一片月隨人脚底無窮路尊前現在身村村堪結隱何必定朱陳

其六

俯仰成陳迹京華日易徂乞書同賣菜索米類求珠嘉客分棊局閒僧伴藥爐喜鄰丞相宅猶不礙歌呼

京師子所賃屋宛平少傳產也

其七

新寒人意嬾永夜道情長鼻觀惟空水心花有妙香蝸行常戴屋牛鬪不離牀試問陶貞白青瞳爲底方

其八

年來真異事斗米半千錢僅有黃紬被長虛藥玉船心憂霜買買目送鳥翔翔耕耨應無用年荒到研田

其九

弱纜牽高岸心同不繫舟
衰顏羞攬鏡客路早披裘
更鼓消除夜風濤斷送秋
騷人逢此日觸目總成愁

其十

夢覺鄉園近歸嫌日月遲
自吟楓落句已過菊花期
卜宅長虛語求田定幾時
人生消底物擾擾欲何爲

寄庭仙

五年心事共誰論惜別胥江
日色昏水底須眉終有相
雪中指爪已無痕秋風鱸膾
江南味春雨梅花處士魂
畢竟家山貧亦好君已厭
孟嘗門

謁座主侍郎田公不遇留二絕

蒼松已作薜蘿身林下何曾有
送迎正是黃花好時節
籃輿須用老門生

其二

載酒人過日已斜疎林老屋似山家槐陰欲轉西風急閒殺

山蘊一樹花

山蘊書屋先生讀書處也

過德州有感

舳艫銜尾似雲屯水落浮橋記漲痕四野蕭條鴉種麥

見蘇詩

滿城冠蓋鶴乘軒十年結客思彈劍蚤歲多愁欲樹護為語
齊民好相待須臾少緩亦洪恩

遊任尚書園

尚書名克溥

林下逢人少尚書遂擅名煙霞生曠野塵土隔重城門掩池
塘靜庭空竹柏清藤陰分菜綠柿葉照牆明日觀千尋立雲
帆萬里行

下臨漕河

最難強健日早遠市朝情種橘宜孫子看花

結弟兄垂綸消暇日扶杖樂昇平俛仰須臾事歸休勇決成

龍灣有遺蹟

圖名龍灣書院

莫遣歲嶢嶢

東昌城外

秋高水涸淡斜曛猶自迷茫徑不分
枯樹槎牙餘鐵幹碧波蕩漾蹙鞞紋
孤城寂寞寒蘆影野艇縱橫白鴈羣
何事爲霖成苦雨州民長怨泰山雲

憶無亢兄

蒲帆十幅去匆匆愁聽長空叫斷鴻
豪氣莫教狂醉後交情都在別離中
平生跌宕誰憐我臨事從容僅見公
留得此身強健在綵衣好慰白頭翁

哭顧雪坡二首

詩酒顛狂老一生童烏誰續太元文
淒涼南浦銷魂地猶記長歌寫八分

雪坡學漢隸極工己卯冬爲予題南浦送行圖

其二

竹石離離埽墨雲
瀟湘葉落雨紛紛
虎頭一去廚空在
獨對殘陽哭此君

雲波墨竹絕妙當
世今不可得矣

庚辰臚傳後赴順天府宴馬上得句云歸計未謀千
畝竹浮生只辦十年官歸舟試筆忽憶前語遂足成

八絕

雙龍闕下肅千官
初日曛曛散曉寒
三百青袍齊鵠立
一聲高唱五雲端

其二

春風別殿百花開
輦路青青彩仗回
最是不勝惶恐處

至尊却爲一人來

是日上自
暢春苑回宮

其三

柳暗花明繞鳳樓曲江無復月燈毬馬蹏躑遍天街路十里
珠簾盡上鉤

其四

十年蹤跡苦伶俜秋雨春燈欲涕零敢學當年呂文穆龍門
重築饅瓜亭

錢亮功編修題余南浦送行圖詩中漫以文穆相況

其五

杏花初日映林皋

賜宴歸來月未高賀客滿堂簫管動不知血淚溼宮袍

三月廿三日為

先君忌辰繹赴宴歸第不覺痛哭失聲悲先君之不及見也

其六

嬌鶯啼斷蔚藍天依舊僧廬借榻眠

時余寓居僧舍

此日有人凝淚眼

忍將名字寫紅箋

時有傳余榜下買妾者朱元英師晦白門貽書諄切相規

其七

歸計未謀千畝竹浮生只辦十年官瓊林花草聞斯語莫哂
書生骨相寒

其八

歸田豈耐十年遲畚画谿山結夢思今日夢中重說夢枕中
歲月不多時

汶上待開獨行田間

村飢人語少春作已悠悠葉脫未辭樹魚寒不上釣遙山兼
雪淨淺水得風愁兩負修眉影

舟中兩見
新月矣

周南苦滯留

曉過南旺

靈旗風動曉鴉翻古廟平臨二水奔風信來時分早暮河流
含處異清渾齊人野語多荒怪魯俗酸漿雜冷溫安得循良

厝漢吏賣刀買犢一村村

遊南池和杜韻

爲愛南池勝重來

丙子秋曾遊此地

雲寒初叫雁秋老更無蟬

疎柳拂簷鏡高城界遠天壯游心已倦歸去守寒巖

望太白酒樓

太白已仙去酒樓空歸然長河風浪作日暮急歸船

其二

謫仙古酒人一飲三百醺我來不敢登恐遭醉眼笑

辱張孝先觀察見訪舟至南陽却寄

張侯鳳閣彥清廟琳瑯球拂衣歸田間讀書嵩陽丘一朝列薦牘河防借前籌胼胝歷寒暑力障黃河流功成報天子褒嘉邁儕儔泰岱佇霖雨建節臨魯鄒我歸江南道落

帆南池秋懷刺久漫滅不問東諸侯雙旌飄河干隼旗導鳴
騶握手如平生醉我牀頭篋酒閒但咨嗟多為生民愁臨淄
七萬戶半作波中鷗朝廷急荒政白粳連檣浮空存汲黯
忠已白蘇卿頭衙齋頗清曠臺館皆閑幽大樹陰扶疎破屋
風颭颭熱官冷如此言行與古謀髣髴朱子元重洗齊俗柔
愛民如吾兒惡錢如吾仇吏議已隨之詎為循良羞安得君
數輩一紓

東顧憂

君方以發
倉事被劾

夏鎮道中即事

蒿目齊民粒食難鳩形菜色若為顏眼前盡是風波地榜後
惟餘黯澹山點破天光沉鳥影拋殘農具占漁灣胸吞雲夢
幾多少只當乘槎海上還

秦始皇

方丈瀛洲杳莫攀金銀宮闕湧煙鬟桃源自是人間世却遣
童男問海山

項羽

一炬咸陽火未殘楚人眞是沐猴冠帝王豈是書生計也作
還鄉畫錦看

張良

博浪沙中一擊新鐵椎無計報強秦當時若少全身策幾與
荊軻作替人

陳平

美玉丰儀迥出羣風流都尉冠三軍縱饒間楚多奇計也要
黃金四萬斤

項伯

鴻門宴上氣如虹
賣主深心一劍中
但記兩賢相厄處
不誅項伯止丁公

漢明帝

升堂弟子氣清醇
帝主臨雍典禮新
諫議大夫司底事
橋門容得許多人

蔡邕

地下中郎若有知
蓋棺論定亦吾欺
黎園弟子紅牙板
齊唱琵琶絕妙辭

陳後主

臨春閣下管弦催
朱雀門前萬騎來
儘自風流陳叔寶
可憐不是帝王才

唐太宗

五娘小字誤將軍
斌媚歌傳一曲新
宮女六千齊放去
却留一箇是才人

李老君

仙李蟠根天上栽
玄元皇帝廟崔嵬
鬼神仙不作兒孫
計一任張巡慟哭來

周太祖

項上雕青骨相奇
周家號叔有孫枝
宮人不愛將軍貴
偏認門前郭雀兒

宋太祖

黑光摩盪日輪高
被體黃袍酒未消
當日三軍應手滑
澶州未了又陳橋

賈似道

葛嶺湖山足勝游
太平宰相百無憂
可憐荻港鳴鑼日
蟋蟀聲中鐵馬秋

呈宋漫堂中丞

從來佳勝地
往往駐名流
緩帶花明座
焚香月滿樓
神仙今玉局
史冊兩睢州
慚愧天隨子
無詩與唱酬

其二

一葉辭秋去
三年奉母還
水深魚縱壑
松老鶴歸山
僧寺黃金地
漁舟綠玉灣
崧高時在望
應許一躋攀

渡黃河

日色波光盪眼開
扁舟逆泝浪奔雷
萬鍾塵土從空煮
一水東西各自回
地下靈源天上路
平時快意險中來
廟堂已

進安瀾頌河復詩成愧不才

寄懷張趾肇

春風驛路一鞭馳
魏我官身送客遲

趾肇南歸適余分校禮闈不及一別

應記橫街

呼酒夜

余寓居橫街

莫忘東閣聽歌時

謂王文靖公怡園也

宮中數召齊賢母

趾肇母夫人

膝上常携王述兒

其子澤黎弱冠舉京兆

閉戶知君有真樂可

能買櫂尚湖湄

泊淮陰城下

淮陰市上年少狂
誰知袴下真侯王
怯為我辱死刺我衆中
一語分低昂
詐遊雲夢亦可鄙
百計方令走狗死
不如屠中有奇氣
長恨名字不傳耳
歲闌繫艇淮陰城
望古遙集感慨生
窮途不復遇漂母
寧逢惡少聞惡聲
人生難得是知己
毀譽均須挂牙齒
最是悠悠忽忽徒見面
千回似流水

聞二兄病愈久在廣陵相待喜而賦詩

阿同蹤跡滯江鄉清夢連宵逐雁行老境但求無疾病詩中
自有好池塘未求艾火還分痛預喜霜燈欲對牀帆飽船輕
風力健不知百里爲誰長

露筋祠

蛛絲蘚跡畫衣垂猶剩漁洋絕妙辭

壁間石刻新城先生唱和詩

湖上白蓮

攀折盡女郎祠下獨題詩

揚州

吹簫人已去柳色亦淒涼堪歎煙花地都爲斥鹵場寒暄明

竹寺

天寧寺竹林極盛

落葉冷雷塘自古傷心處昏鴉亂夕陽

曉發瓜洲

十日揚州住雞鳴放小舠紅橋迷曉霧白鷺下寒汀南去無

邊綠中流一點青
莫吟新得句恐有螭龍聽

瓜洲阻風

平明鼓柁大江隈
斷渡狂飈浪作堆
萬頃玻瓈風觸碎
千條瀑布雨衝開
江山佳處須奇險
道路頻年厭往來
新月當頭三見汝
清光空對妙高臺

渡江

微風初日旋生波
曠蕩江心足嘯歌
孤塔鐘聲原似舊
六朝山色已無多
橫空沙鶴摩雲下
吹浪江豚掠檻過
輸與漁翁長領略
此生應早辦漁蓑

長至日抵家

齊女門前路清波
浣客顏青山當榜背
黃色上眉間
愛日添新線
晴雲滿舊關
只愁蕭散甚
無計破除閑

秋影樓詩集卷第六

秋影樓詩集卷第七

春草集

虞山汪繹東山篁

訪青門浮嵐暝翠新居不值留題一絕

四年不見舊煙鬟小築依然紫翠間
獨對疎林意惆悵一房紅日冷銜山

癸未除夕

家園容易值斯辰柏子煙中度早春
是夜立春梅蕊欲欺殘臘雪
風光偏泥遠歸人黃柑出瓮香無賴
青韭堆盤味斬新守歲固佳眠亦得
芒屨已謝軟紅塵

甲申元旦

椒酒辛盤共弟兄北堂佳氣靄朝暎
篋中舊草宜春帖山下新營買夏園
東坡新年詩買夏欲論園回首觚稜牽昔夢
關心花月付清

尊東風昨夜吹應遍綠盡千林擬閉門

正月二日偕青門畊菜大木由團瓢至維摩寺小憩
偶成一詩題拂水巖酒家壁

拂拂條風著面輕新年難得好山晴鏗然曳杖行非遠豁爾
懸崖坐亦驚絕徑雪消添石翠晚湖雲起濯波明偶過古寺
淹茶話却被山僧識姓名

雨中病榻柬青門

春來因病轉疎慵一榻維摩丈室中好夢已判連夜雨生香
不散隔簾風藥爐聲細留殘火蘭畹泥新長舊叢妒殺阿顙
真健者定携雙屐入空濛

青門招余山房看雪即席賦詩

天公游戲散瓊瑤不管素安意宋寥勢壓千林齊俯仰光迷

雙眼欲招搖劇憐凍蕊香無味祇恐春山暖易消病骨亦知
潦倒甚爲君犯曉過溪橋

夜歸

袞袞楊花細細塵落梅風裏賞青春雪融瓦溜聲疑雨煙暝
柴門樹似人野外疎燈金黯淡袖中妙墨玉嶙峋野宦寫圖余携之以歸
城頭遮莫寒鐘動歸路應無醉尉嗔

病起

卧榻兼旬不裹頭閉門情味儘清幽午牕香氣知花放雪地
渠聲見水流萬慮也知隨境遣四時終愛及春游故人莫負
明年約鄧尉山前一放舟

雪霽喜青門以寧畔萊晦木過訪留情話軒小飲
滿簾紅日散春陰剥啄敲門慰病心漸看老梅蘇凍骨已聞

嬌鳥弄新音牀頭臘蟻香浮瓮天際風鳶響帶琴良會莫辭
齊酩酊燈前雪意又沉沉

雨餘自遣

茶鎗藥裹正縱橫牕几空明夢亦清好靜不妨人共棄惜花
祇覺雨無情蠛蠓入戶雷初動蛺蝶依簾粉尚輕身外不知
忙底事但餘水竹費經營

爲青門題畫三首

馬栖霞牡丹次韻西谷

盆盎中開五色霞檐頭塵土少風華四年看徧長安市偏愛
山家一樹花

栖霞梅竹楊野鶴補紅梅一枝

暗香紛縱橫翠影冷幽獨日暮上春潮紅袖倚修竹

張石樓留別畫卷

南浦春帆客去遲
梅花樓上雨如絲
卷中多少閒花草
我愛忘憂一兩枝

賦盆中並頭蘭聞西谷謁假將歸却寄

綠雲撩亂帶春寒
小玉雙雙倦倚闌
却笑秋槐誤評泊
同心容易並頭難

余將卜築西郊青門以詩相招用韻奉酬

北麓西郊日日忙
幽尋此地恰相當
聽風聽雨情懷別
看水看山意味長
屐齒欲開新徑路
釣磯相對小池塘
懸知此後聯吟處
白粉牆頭綠繞廊

葑門阻風訪同年宋嘉升城南草堂

憶自京華別魂銷
契闊中官情殊草
草歸計太匆匆
草遍南

園綠花遲北墅紅

江村先生園名余將有平湖之行

為君成小住多謝石尤風

二月廿五日大雪

徹夜船牕滴瀝聲又看飛絮攪空明可憐一片春天雪才上
桃花覺有情

喜桐皋上人雪中過訪賦贈二絕

蹋凍誰人破綠苔忽看風雪片帆開今朝記取高寒景蘼蘼
林中一度來

其二

結箇茆菴大似拳湖亭風月浩無邊破山亦有蕭閑地遲爾
同叅玉版禪

寒食有感

傷心六見柳依依客子逢春苦憶歸回首家山定何處杜鵑

聲裏紙錢飛

重經樂康亭

鶴骨支離感病夫

乙亥秋余養病亭中

樂康亭子倚雲孤四山落葉清宵

夢曾記秋燈照藥爐

題東坡集後

萬斛泉源隨地湧滿空花雨自天來一從太白騎鯨去應數
先生第一才

拜尚書翁公墓

行盡西湖路轉遲尚書墓下機船時野田綠遍棠梨落獨向
高原酹一卮

其二

鶴歸華表定何年嵐翠湖光好墓田寄慰吾公無別語一雙

玉樹繞階前

送西谷迎養太夫人入都

珠簾繡柱綵舟新不是尋常乞養親長告敢容過百日

香山有百日假

滿詩

皇恩只許住三旬蘭羞時進天廚味萱草長依紫殿春好
便揚舲江路穩行期早已達楓宸

其二

登程正及好春餘人擬攀鱗上碧虛梅子雨晴朝放艇菱荷
風細午修書

時奉命纂修類詩

玉堂不用鉏犁手蓬戶初營水竹居我

已無心當世事茂陵甘老病相如

坐雨浮嵐暖翠山房

黯淡山容屋角西林間蜂蝶也淒迷軒牕似暝連朝雨門巷

無人一尺泥樹杪泉聲懸絕澗階前草色接荒畦款扉獨有
閑情客相對空齋補舊題

題朱纘菴太守西疇歸隱圖

潁川太守無高致彭澤先生少政聲何似武昌江上路秋風
一葉萬民情

秋影樓詩集卷第七

秋影樓詩集卷第八

釋耒集

虞山汪繹 東山篋

移居六首

小宅城西隅青山入我室清陰落牕几風至秋瑟瑟臺榭滿
朱門所需僅容膝但令一榻外可以散書帙著書吾未能閉
戶計已必

其二

閉戶亦何有樂事隨所寓間關弄好音青慈鬱嘉樹簾櫳初
日影煙靄斜陽暮丹雘縱不施水石粗已具久知閒處好漸
得睡中趣祇恐顙龍吟白晝起風雨

其三

先人有敝廬乃在城東偏僅足蔽風雨所苦混市廬三十餘

年中鴈行聯且翻伯兄守墳墓獨上錢江船叔兄居巷北衡
宇遙相連維余與仲兄形影依燈前一旦捨之去涕泗紛漣
漣我語仲勿悲匹如弟留燕音塵託書札夢落春池邊

其四

錢氏吾外家居處事華撫縹緲三萬軸書堂顏述古傳聞東
澗老觴詠此延佇堂前賓客散輾轉作官府車馬馳雲煙鈴
柝亂風雨廿年多變遷此屋良已苦廢興如轉燭畢竟誰是
主

其五

我有一池水水深不可量恨無玉井蓮花發十丈強空餘竹
柏影搖蕩青天光西齋急雨集新瓦聲琅琅涼風颯然度忽
送荷芰香乃知牆頭外離立千紅粧鄰池多荷聞香不見花心與

花相忘

其六

古人卜宅意多半欲卜鄰蔣詡本吾徒西谷十載情相親燈火
一牆隔花柳兩家春我來君却去不共夕與晨置身豹尾中
珥筆隨清塵塞外秋氣早八月丹楓新何似故山好四時青
嶙峋願君了官事同釣荒江濱

和青門用東坡遷居韻見贈

石瘦峰璽瓏水清波綺麗偃蹇喬松長連娟新竹細登樓雲
忽起俯檻魚已逝抖擻東華塵拂衣成小憩翻笑玉局翁卜
築不早計白鶴營新居蒿萊沒階砌釋耒聞歎息雪浪湧鬢
髻水東復水西緣盡鶴遺蛻昔賢處憂患幽思託薜荔余今
頗達觀歌咏明盛世明月挂林杪好風來天際晏起更蚤眠

啾啾任蚊蚋

題張庭仙觀海圖

銀山雪浪千萬里汨汨天風滿人耳回首齊州一點青區區
稊米太倉裏魏中有梁梁有王不分雄雌孰彼此張子攜琴
東海遊閑情聊復寄海水木葉欲脫空山空秋氣蕭蕭入君
指何不一鼓水仙吟恐驚清晝蛟龍起人生放眼須奇險安
能跼蹐茆屋底勞山渺渺定何處白毫光裏青蓮蕊

次韻酬伊目上人

冰牀雪被禁寒天粥鼓聲中結靜緣十載病魔消不盡小樓
澄火夢依然

乙亥冬余
養病寺樓

其二

休官我已遲陶令得句師方勝遠公一樣攢眉便歸去嗜茶

好酒不相同

向孫畏之映雪山居乞竹

新竹亦孤挺老竹亦娟妙軒牕無竹色長爲顙蘇笑君家接
山麓萬綠藏窈窕風至鳴鏘鏘助君發長嘯從君乞數竿淨
碧生幽峭爽氣不在多對之俗可療留取青琅玕斲向清溪
釣

雨中種梅

秋郊移得樹槎牙鐵榦苔身老歲華戴笠披蓑還自笑誰人
風雨種梅花

題王石谷蕉陰小照

碧玉巖前處士居歸來還把讀殘書此生不作莊周夢一種
閒心自卷舒

其二

黃塵赤日汗如漿一老翛然水石旁
底用雪中求粉本綠陰清晝足風涼

放船遇雨

家居猶未穩又買越江船
薄暝催寒意重陰欲雨天
白雲長在眼黃菊爲誰妍
去去新安道離魂已六年

泊舟山塘夜上梅花樓訪月溪上人

金閨厭聽市聲喧來繫扁舟老樹根
投宿鳥歸迷暮雨賣花人散冷空村
疎燈熠熠犬當路落葉蕭蕭客打門
却與病僧相對坐香消茶熟欲忘言

月溪上人惠方竹杖

傳自穹窿山下竹出山今復伴山行
從今風雪敲門處認取

君家拄杖聲

田家樂

短籬矮屋板橋西十畝桑陰接稻畦
滿眼兒孫滿簷日飯香時節午雞啼

哭大宗伯韓公

旅次聞公訃潸然涕淚零中朝墜士氣
北斗隕文星才大難爲用時清恥獨醒
樸誠回

聖主讜論動明廷咳唾皆三史源流本六經
典裘營客葬謝謁怪門扃宦興風催鐸閒情鶴墮翎
世方推永叔人欲笑劉伶苦柏非嘗味芳蘭是異馨
憶從明月夜悔別子雲亭髣髴驚秋白雲峰
入夢青高名光冊府丹旄閑寒廳養晦承師訓
論文失典刑

余以癸未中秋別公京邸公執手謂余曰勉之勉之善自輯晦言下黯然

不知一片石誰爲勒

公銘

欽陳雪川同年祠廬署齋

將離開後幾回春一葉秋帆趁白蘋盤有嘉魚尊有酒可知
長吏未全貧

其二

邑無城郭但漁船滿眼江山不值錢青草暗生公座下白鷗
時到縣門前

其三

清才猶自混風塵衆裏空驚鶴立身莫歎地偏官未顯羊裘
老子是州民

江行漫興

江行澹人意況是欲寒天遠樹銜殘日西風咽病蟬水清芹

茅瘦林靜鳥聲圓道路長如此吾將上釣船

其二

篷牕偏不厭歸計稱幽尋野菊星垂磴閑鷗雪滿襟湖平孤
櫂遠雲起半江陰悔不囊琴去清泠發妙音

其三

莫問誰邊路登程路便長灘喧何處雨樹醉昨宵霜村酒淡
無味山橙酸帶漿回思草堂夜斜月下迴廊

其四

清溪三百曲何處著纖塵燦爛沙明石低徊月就人雁驚將
墜影魚窘不容身豈似長河濁波瀾起要津

其五

深秋當薄暮此際最愁儂谷響答煙唱灘聲兼夜春孤衾難

入夢容枕易聞蛩何似披衣起携筇入亂峰

其六

僧殘黃葉寺鵲噪夕陽村山地少栽稻人家多閉門牛馴時
帶犢竹老旋生孫莫遣猿啼夜聲聲惱客魂

其七

歸路杳迷漫一潭復一灘飢鳥聲斷續殘蜨意闌珊船小秋
陽逼江空落葉寒莫嫌此地險何地不驚湍

其八

上坂車猶易迴瀾實可驚浪高詩格壯境險客身輕帆帶煙
霞色篙合金石聲蕭然萬籟寂忽聽午鷄鳴

寄題家于鼎杏花春雨樓二首

始信峰前春開時花光嵐影兩參差不知一夜蕉纖雨開到

樓頭第幾枝

其二

先生歸也老茆菴憶著紅香意早酣莫話京華隔年夢題詩
人已在江南

早過釣臺

水涸霜清釀曉寒獨眠無味葉聲乾不多一枕篷牕日睡過
嚴陵七里灘

月夜還家

月明雙塔影參差櫂轉孤城漏下遲山犬無聲街似水寒松
風裏扣門時

甲申除夕

塵土勞人祇自憐迎春餞臘又今年一身才了舟車役三徑

空辜雪月天夢裏松楸餘涕淚尊前燈火喜團圓明年可有
安閑福長對青山手一編

乙酉元旦

紙牕旭日曉瞳矓繞室爐煙煖氣烘護草欲分新柳碧山茶
偏學小桃紅友朋豈是他鄉好歲月應憐過客同布韞青鞵
吾已韃今年真作住山翁

秋影樓詩集卷第八

秋影樓詩集卷第九

邗江集

虞山汪繹 東山篁

次韻答桐臯上人

鷹鏤絲韉馬勒銜縱饒神駿也塵凡二分明月三生夢半夜
霜鐘十幅帆倦眼乍開逢野衲病身不稱著朝衫時余迎
駕廣陵
中久辦烏藤杖何日相依碣石巖

其二

草堂花信已殘梅陳迹團團去復回江上錫香愁對雨盤中
筍熟早聞雷閒身可許黃金買明鏡從教白髮催瞥眼送春
春去後嘗茶看画待師來

自題種芋圖

有序

昔鮮于文宗七歲喪父父以種芋時亡年年此時

對芋鳴咽丁丑之春繹就試春官甫榜發聞先府
君病星奔而歸已不及視含殮余年較文宗雖稍
長而風木之悲同之因命工寫種芋圖并系二絕
句以志哀慕云

堂上扶持杖一枝
小人有母鬢如絲
可堪長向春風哭
淚盡年年種芋時

其二

獨行無伴荷鉏時
別有傷心託画師
莫泥衡山舊公案
十年宰相亦何爲

題外舅小照

我比張華真有媿
翁方樂廣定何如
小山亦有長松在
早擬拋官學著書

題顧雪坡竹壑流泉圖長卷

冉冉春山玉萬枝黃陵廟裏雨來時
烟梢露葉愁人處那得人間有此癡

悼雪坡也

毘陵夜雨懷同年徐辛齋

愁霖滴瀝浪交加卧覺樓頭濕鼓過
此地不堪常聽雨吾生何事又辭家
飛蟲聚族能昏燭野水分渠好浸麻
惆悵雲谿谿畔路重城迢遞似天涯

題家悔齋方伯觀海圖小像

蛟龍亦自避文星三日天風送客舸
他日歸來重指點望中誰是却金亭

方伯奉使冊封琉球挂帆三日而達國王餽黃金百兩却弗受

次韻和徐忍齋前輩玩月懷曹荔軒使君

校書廣陵城同局恰滿十積陰連晦朔
兀兀若有失今夕喜

開霽朗月屋頭出冰輪挾水氣豔豔不可極客況夜深覺清
景雨餘倚庭空毛髮爽竹密衣裳溼纖雲巧成綺宿鳥驚翻
翼從來明月光偏入幽人室笑我蠹書魚恥彼處禪蟲素影
流遙空萬象不敢匿不知白玉盤誰人爲拂拭離群亦已久
獨坐忽心惻美人隔江澣共此長天色明日駕漁舟載酒話
相憶

和忍齋校書述懷疊韻見示

唐賢千八百分校百之十勘讎儼對簿出入多恐失丹黃紛
几席朗吟眞景出高坐擁百城泛覽周八極每恨意中語古
人先我得開門閉秋草零露晝猶溼忽傳五字詩銜來青鳥
翼俯視曹劉牆深入韓杜室快比麻姑爪爬搔中散蠹爭奇
劇餘勇疲兵坐奔匿病來益頽惰研匣經時拭況當涼雨集

蕭爽轉淒惻秋花可憐生亦自弄顏色採之欲貽誰目斷江南憶

次和忍齋三疊前韻見贈之作

追隨金馬門我年正三十君忽請急歸燕鴻巧相失四見長安春予亦將毋出相距不百里銀漢杳無極誰知友朋樂翻由

主恩得奉

命同校書江城共卑溼疎慵故無匹賴君匡以翼時命長者車數過維摩室新秋鶴發聲積雨蘭生蠹叢殘故紙堆甘作蠹魚匿庭中有高梧徙倚還洗拭祇恐涼風生葉落客心惻葉落亦不惡漏見修眉色今夕定何夕動我天上憶

是日七月七日也

次韻答忍齋查浦送別

對宇望衡相並住亂蟬疎柳獨歸時愁邊涕淚經秋落病裏
關河入夢遲燕子巢成村社近鯉魚風起榜人知莫言此別
無多日今夜月明空所思

梅花樓坐雨疊韻酬青門

浮烟淦淦柳絲絲獨扣禪扉小住時索字僧雛嫌紙少

每上梅花樓小沙彌乞書不已

貪杯詩老苦吟遲坐殘風雨人誰到來慣音聲大亦
知笑我官身留不得汀花岸草總離思

紀夢

房櫳窈窕景淒清髣髴橫塘舊路行乍暖乍寒秋氣味非烟
非霧睡心情晝長祇怪熏爐冷樓靜還嫌寶鏡明慚媿蕭郎
今白髮石榴花發記前生

秋日家屏齋孝廉招飲康山草堂

堂為康對山先生讀書地

西風颭颭吹江城葉落未落殘日明廣陵人家走如鴛春雲
秋月皆無情紅橋画舫競酒肉雷塘衰柳餘淒清誰知塵市
閼絕境康山之堂何崢嶸魚鱗屋瓦等櫓比桅檣轟轟凌虛
行寒蟬已老雁未至但聞人語羣轟轟天高氣肅衆籟動瓮
中百萬蒼蠅鳴吾家小阮負奇氣典衣沽酒開軒楹爲言對
山讀書處竹樹猶作金石聲一官不惜爲朋友琵琶曲調音
琤琤當年逆瑾頗解事愛才不覺心爲傾百年良會亦易盡
對山先生嘗生日邀名妓百人爲百年會古來不朽非科名酒闌衣薄各歸去臨風我
媿康先生

題画栗

外作丹砂光中含白玉色西風利若刀決裂到芒棘群兒徒
紛紛不取當自得

題曹殷六東皋圖

香杭粒粒果離離秋樹根邊酒熟時
最是人家吉祥事童顏阿母白頭兒

周燕客使君送菊花賦謝

淺白深黃翦鳳翎分來幽豔遠寒廳
病夫不用金尊賞滿汲秋泉煮瓦餅

其二

徵歌命酒管絃催冶冶融融一夜開
却笑江州王太守陶家只送一壺來

重陽後五日使君招飲花下

其三

芙蓉落盡柳驚秋明月朱簾一段愁
自古詩人說佳麗冷香應不屬揚州

其四

紅燈素壁散清寒
淡極偏宜帶影看
看到無言吾欲睡
一天霜月下闌干

歸舟

冷風吹雨滿江關
撇箭輕舸杳靄間
裘敝祇堪償藥券
髮稀容易見詩斑
窮來顏色嗟非故
病裏身心喜暫閒
何事向人還自詡
一年八度看金山

乙酉除夕

桃符豆粥又相催
赴壑驚蛇去不迴
煖逼銅槃雙蕊放
春生瓷斗一花開
謝家好夢憐芳草
杜老閒情託早梅
此夜不堪逢歲盡
西堂獨聽雨聲哀

丙戌元旦

牙
影樓詩集卷第九
鄰雞喔喔促晨興
自笑摧頽似老僧
草色上簾初著雨
風光入水欲消冰
文章無用殘年曆
富貴難憑落手藤
倦起亦知才思減
題詩聊記歲華增

秋影樓詩集卷第九